



- UPRAVNI ODBOR -

Broj: 02-16/22

Sarajevo, 16. 06. 2022. godine

Z A P I S N I K
SA 5. REDOVNE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 16. 06. 2022. GODINE S POČETKOM U 14:15 SATI

Prisutni članovi Upravnog odbora: predsjednik dr. sc. Murat Ramadanić, Ismeta Čardaković, prof. dr. Jasminka Gradaščević-Sijerčić, Alma Sarić, akad. prof. dr. Dejan Milošević, prof. dr. Kasim Bajrović, prof. dr. Aida Hodžić, prof. dr. Maida Čohodar Husić i prof. ddr. Lidija Zvačko.

Odsutni članovi Upravnog odbora: Mersiha Šabaredžović-Klačar i Hamza Vahid El-Din, predstavnik studenata.

Ostali prisutni: prof. dr. Rifat Škrijelj, rektor Univerziteta u Sarajevu, prof. dr. Mirza Dautbašić, prorektor za naučnoistraživački rad, Kenan Filipović generalni sekretar, Ekrem Čagalj, rukovodilac Jedinice za internu reviziju, prof. dr. Sahruđin Sarajčić, izvršni direktor, Berina Smajlović, rukovodilac Službe za prave poslove, Belma Hajradinović, viši stručni saradnik i Ilhana Lekić, stručna saradnica u Službi za pravne poslove.

Ostali odsutni: prof. dr. Tarik Zaimović, prorektor za finansije, prof. dr. Dženana Husremović, prorektorka za nastavu i studentska pitanja, prof. dr. Dušanka Bošković, prorektorka za kvalitet, prof. dr. Tamara Karača Beljak, prorektorka za umjetnost, umjetničkoistraživački rad, kulturu i sport i prof. dr. Enita Nakas, prorektorka za međunarodnu saradnju.

Sjednica je počela u 14:15 sati.

U uvodnom dijelu sjednice dr. sci. Murat Ramadanić, predsjednik Upravnog odbora Univerziteta u Sarajevu je konstatirao da postoji potreban kvorum za odlučivanje, te da sjednici prisustvuje 9 (devet) članova Upravnog odbora Univerziteta u Sarajevu (u daljem tekstu: Upravni odbor).

U daljem toku sjednice, dr. sci. Murat Ramadanić, predsjednik Upravnog odbora je otvorio 5. redovnu sjednicu Upravnog odbora i u odnosu na naknadno pristigle materijale čije je razmatranje neodložno, predložio dopunu Prijedloga Dnevnog reda, sljedećim zahtjevima organizacionih jedinica:¹

¹ Prema odredbi člana 19. *Poslovnika o radu Upravnog odbora Univerziteta u Sarajevu*, kojom se uređuje pitanje *naknadnog uvrštavanja materijala*, data je mogućnost da predsjednik Upravnog odbora može odlučiti da se materijali za sjednicu dostave i neposredno prije održavanja sjednice, kao i na samoj sjednici ako je riječ o pitanjima čije je razmatranje neodložno.

- a) Zahtjev za usvajanje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Filozofskom fakultetu.
- b) Zahtjev za usvajanje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Prirodno-matematičkom fakultetu.
- c) Zahtjev za usvajanje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Poljoprivredno-prehrabrenom fakultetu.
- d) Zahtjev za davanje saglasnosti na Aneks Ugovora o zakupu poslovnih prostora u okviru podorganizacione jedinice Univerziteta u Sarajevu – Fakulteta za kriminalistiku, kriminologiju i sigurnosne studije u kojem se na strani zakupodavca javlja Univerzitet u Sarajevu – Fakultet za kriminalistiku, kriminologiju i sigurnosne studije, a na strani zakupoprimaca „HIK – NET“ d.o.o.
- e) Zahtjev za dopunu Dinamičkog plana potreba za raspisivanje konkursa za izbor u zvanja na Univerzitetu u Sarajevu – Medicinskom fakultetu za studijsku 2021/2022. godinu.

Uz navedene prijedloge za dopunu Dnevnog reda, dr. sci. Murat Ramadanović, predsjednik Upravnog odbora je dao na izjašnjavanje isti. Uz prihvatanje prethodno naznačenih prijedloga, Upravni odbor je *jednoglasno* sa devet (9) glasova „za“ usvojio s ljeđeći

D N E V N I R E D

1. Usvajanje Zapisnika sa 4. (četvrte) redovne sjednice Upravnog odbora Univerziteta u Sarajevu od 12. 05. 2022. godine
2. Prijedlozi za izmjenu i dopunu Plana javnih nabavki Univerziteta u Sarajevu za 2022. godinu u dijelu
 - a) Rektorat Univerzitet u Sarajevu
 - b) Ekonomski fakultet
 - c) Medicinski fakultet
3. Donošenje Pravilnika o unutrašnjoj organizaciji i sistematizaciji radnih mesta i izmjene istih za sljedeće organizacione jedinice:
 - a) Pravilnik o unutrašnjoj organizaciji i sistematizaciji radnih mesta na Univerzitetu u Sarajevu – Medicinskom fakultetu
 - b) Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Filozofskom fakultetu.
 - c) Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Prirodno-matematičkom fakultetu.
 - d) Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Poljoprivredno-prehrabrenom fakultetu.
4. Davanje saglasnosti rektoru Univerziteta u Sarajevu za pristupanje Ugovoru o grantu u okviru projekata Programa za istraživanje i razvoj EU – Horizon Europe, kako slijedi:
 - a) Pripremna faza uspostave RESILIENCE istraživačke infrastrukture – *RESILIENCE Preparatory Phase*
 - b) Jačanje kapaciteta za inovacije u oblasti bespilotnih zračnih sistema – *Strengthening Research and Innovation Excellence in Autonomous Aerial Systems*

5. Zahtjev za zaštitu zbog diskriminacije:
 - a) prof. dr. Alme Voljevice, redovne profesorice Univerziteta u Sarajevu – Medicinskog fakulteta
 - b) prof. dr. Azre Zaimović, redovne profesorice Univerziteta u Sarajevu – Ekonomskog fakulteta
 6. Prigovori kandidata/kinja u javnim oglasim na organizacionim jedinicama Univerzitetu u Sarajevu, kako slijedi:
 - a) Podnositelj Branislav Janjetović, kandidata u Javnom oglasu na Univerzitetu u Sarajevu – Poljoprivredno-prehrambenom fakultetu na Odluku dekana o izboru kandidata za radno mjesto *higijeničar/ka*
 - b) Podnositeljica Zerine Čopra, kandidatkinja u Javnom oglasu na Univerzitetu u Sarajevu – Fakultetu političkih nauka na Odluku dekana o izboru kandidata za radno mjesto *stručni saradnik za istraživanje – istraživač na projektima*
 - c) Podnositeljica Tijana Ćetković, kandidatkinja u Javnom oglasu na Univerzitetu u Sarajevu – Institutu za genetičko inženjerstvo i biotehnologiju na Odluku dekana o izboru kandidata za radno mjesto *sekretar*
 7. Zakup poslovnih prostora:
 - a) Zahtjev Rektorata Univerziteta u Sarajevu za davanje saglasnosti za zaključivanje ugovora o zakupu poslovnih prostora Univerziteta u Sarajevu sa odabranim ponuđačima.
 - b) Zahtjev Univerziteta u Sarajevu – Prirodno matematičkog fakulteta za oslobođanje od plaćanja dijela zakupnine.
 - c) Zahtjev Univerziteta u Sarajevu - Fakulteta za kriminalistiku, kriminologiju, sigurnosne studije za davanje saglasnosti za zaključivanje Anekса ugovora o zakupu poslovnih prostora Univerziteta u Sarajevu sa odabranim ponuđačima.
 8. Prijedlog za utvrđivanje izmjene cijene/visine školarine interdisciplinarnog master studija „Međunarodna i regionalna sigurnost“, koji realizira Centar za interdisciplinarne studije Univerziteta u Sarajevu „prof. dr. Zdravko Grebo“ Univerziteta u Sarajevu
 9. Informacije
 - a) Obavijest o dopuni Dinamičkog plana organizacionih jedinica i to: Univerziteta u Sarajevu – Ekonomskog fakulteta, Univerziteta u Sarajevu – Prirodno-matematičkog fakulteta i Univerziteta u Sarajevu – Pravnog fakulteta i Univerziteta u Sarajevu – Medicinskog fakulteta.
 - b) Kvartalni izvještaj o realizaciji NATO SPS projekta Quantum5
 - c) Informacija prof. dr. Arzije Pašalić, dekanese Univerziteta u Sarajevu – Fakulteta zdravstvenih studija o pokrenutoj inicijativi za suspenziju spornih propisa

TOK SJEDNICE

Ad-1.

Prijedlog Zapisnika sa 4. (četvrte) redovne sjednice Upravnog odbora Univerziteta u Sarajevu od 12. 05. 2022. godine, dostavljen je članovima Upravnog odbora na razmatranje.

Prije nego je otvorena diskusija, dr. sci. Murat Ramadanović, predsjednik Upravnog odbora je konstatirao da je članica Upravnog odbora Ismeta Čardaković u pisanoj formi, putem elektronske pošte, uputila komentare u odnosu na izrađeni akt, tačnije Odluku sa 4. redovne

sjednice Upravnog odbora održane 12. 05. 2022. godine, koja je donesena po Prigovor podnositeljice dr. sc. Amele Lačević.²

U odnosu na dostavljeni Prijedlog Zapisnika, dr. sci. Murat Ramadanović, predsjednik Upravnog odbora je otvorio kraću diskusiju u kojoj su učešće uzeli: prof. dr. Jasmina Gradaščević-Sijerčić, članica Upravnog odbora, Ismeta Čardaković, članica Upravnog odbora i Kenan Filipović, generalni sekretar Univerziteta.

Ismeta Čardaković, članica Upravnog odbora je istakla da je u dostavljenom komentaru naznačila da je tokom razmatranja Prigovora podnositeljice prim. dr. sc. Amele Lačević istaknutog na Odluku dekana Stomatološkog fakulteta sa klinikama o utvrđivanju odgovornosti i izricanju disciplinske mjere, došlo do značajne izmjene u odnosu na Prijedlog Odluke dostavljen od strane stručne službe, te da tekst nove Odluke, broj: 02-13-8/22 (konačnog akta) smatra neprihvatljivim i predlaže da se još jednom od strane Upravnog odbora ista razmotri i o njoj odluči. Nadalje imenovana obrazlaže svoje navode, te ističe da cijeni da konačna forma Odluke nije ispravna, jer dispozitiv iste glasi: da se predmetni Prigovor odbacuje kao formalno-pravno neispravan, zbog činjenice da radnici nije povrijedeno pravo iz radnog odnosa, te da smatra da se neki prijedlog odbacuje kao formalno-pravno neispravan samo u slučaju kada nije podnesen u roku ili kada nije podnesen od strane ovlaštenog lica. Uz napomenu da cijeni da navedeni razlog odbacivanja predmetnog prigovora nije primjenjiv u slučaju prim. dr. sci. Amele Lačević.

Prof. dr. Jasmina Gradaščević-Sijerčić, članica Upravnog odbora je istakla da je podnositeljica dr. sc. Amela Lačević u svom Prigovor istakla kao jedan od razloga pobijanja i rok u kojem je

² Prenesen komentar: U nadi da ova odluka nije dostavljena zainteresovanim stranama, dostavljam komentare na Odluku broj 0-13-8/22 koju je usvojio Upravni odbor UNSA na 4 redovnoj sjednici održanoj 12. 05. 2022 godine.U materijalu za 4 sjednicu Upravnog odbora, stručna služba Univerziteta je sačinila prijedlog Odluke čiji sadržaj u cijelosti odražava činjenično stanje te je u skladu sa tim sačinjen prijedlog Odluke kojim se u cijelosti prihvata prigovor podnositeljice prim dr sc Amele Lačević. Smatram da je ova odluka pravno utemeljena i ispravna. Na sjednici Upravnog odbora, a nakon diskusije prisutnih članova i članica, došlo je do izmjene predložene odluke, a tekst nove Odluke smatram neprihvatljivim i neutemeljenim. U Odluci, čiji sadržaj sporim piše da se prijedlog „odbacuje kao formalno pravno neispravan zbog činjenice da radnici nije povrijedeno pravo iz radnog odnosa“. Moje poznavanje prava mi kazuje da se neki prijedlog odbacuje kao formalno pravno neispravan samo u slučaju kada nije podnesen u roku ili kada nije podnesen od strane ovlaštenog lica. Kao što vam je poznato ovaj razlog odbacivanja prigovora podnositeljice nije primjenjiv u slučaju prim. dr. sc. Amele Lačević. Također, a što je još važnije, u slučaju odbacivanja iz razloga formalno pravne neispravnosti, drugostepeni organ ne ulazi u meritum. U Odluci koja je usvojena, ni to nije slučaj. Navedeno je također,“ da radnici nije povrijedeno pravo iz radnog odnosa“. Napominjem da se prigovor podnositeljice ne odnosi na pravo iz ravnopravnog odnosa, te ne vidim potrebu da se to spominje kao razlog za odbacivanje prigovora. Ipak u završnom dijelu obrazloženja sporne Odluke piše: „ Dakle, pismeno upozorenje je odraz zakonske obaveze poslodavca da u slučaju kršenja radnih obaveza/discipline ponašanja prije vanrednog otkazivanja ugovora o radu zbog skrivenog ponašanja radnika, radniku izrekne pisano upozorenje.“ Iz ovoga proizilazi da donesena disciplinska mjera indirektno utiče na ravnopravni status radnika, jer se izriče prije izricanja mjere vanrednog otkazivanja ugovora o radu. Odbacivanjem prigovora prim dr. Amele Lačević na Odluku Disciplinske komisije Stomatološkog fakulteta i pored svih istaknutih pravnih nedostataka (donesena van roka, donesena od nenasležnog organa) osporena odluka o izricanju disciplinske mjere ostaje na snazi, što po mom mišljenju Upravni odbor Univerziteta ne bi smio dozvoliti.

U obrazloženju Odluke, decidno je navedeno „da je došlo do povrede pravila postupka, cijeli postupak je vođen od strane nenasležnog tijela“. Mislim da ovaj citat najbolje pokazuje svu nelogičnost donesene Odluke.

Radi svega navedenog predlažem da prilikom usvajanja zapisnika sa sjednice 4 održene 12. 05 2022 godine još jednom razmotrimo sve činjenice vezano za ovaj predmet te dnesemo Odluku u kojoj neće biti nekonistentnosti niti pravno nelogičnih objašnjenja.

postupila organizaciona jedinica (izvan utvrđenog roka) i da je to u tom pogledu, obrazloženje ide u korist podnositeljice. Međutim, prof. dr. Jasmina Gradaščević-Sijerčić ističe i to da u konkretnom slučaju pisano upozorenje koje poslodavac daje radniku je izjava koja nema neposredan pravni učinak i kojom nije povrijeđeno pravo iz radnog odnosa i da pisano upozorenje predstavlja odraz zakonske obaveze poslodavca da u slučaju kršenja radnih obaveza/discipline ponašanja prije vanrednog otkazivanja ugovora o radu, zbog skrivljenog ponašanja radnika, radniku izrekne pisano upozorenje.

U daljem toku diskusije, Kenan Filipović, generalni sekretar Univerziteta napominje da se već o datom pitanju odlučilo, te da se o istom ne može dva puta odlučivati, te napominje da će diskusija ući u Zapisnik sa 5. redovne sjednice.

Uz pomenute primjedbe, Upravni odbor Univerziteta u Sarajevu je *jednoglasno* sa devet (9) glasova „za“ usvojio naprijed navedeni Zapisnik.

Ad-2.

Upravnom odboru su u okviru predmetne tačke dnevnog reda dostavljeni na razmatranje prijedlozi za izmjenu i dopunu Plana javnih nabavki Univerziteta u Sarajevu za 2022. godinu u dijelu organizacionih jedinica Univerziteta u Sarajevu – Rektorata, Univerziteta u Sarajevu – Ekonomskog fakulteta i Univerziteta u Sarajevu – Medicinskog fakulteta.

U okviru predmetne tačke, dr. sci. Murat Ramadanić, predsjednik Upravnog odbora je otvorio kraću diskusiju u kojoj su učešće uzeli: prof. dr. Rifat Škrijelj, rektor Univerziteta, prof. dr. Jasmina Gradaščević-Sijerčić, članica Upravnog odbora, Ismeta Čardaković, članica Upravnog odbora i Kenan Filipović, generalni sekretar Univerziteta.

Prof. dr. Rifat Škrijelj, rektor Univerziteta se javio za riječ i istakao da Prijedlog kojim se inicira izmjena i dopuna Plana javnih nabavki integrisanog Univerziteta u Sarajevu za 2022. godinu u dijelu Univerziteta u Sarajevu – Ekonomskog fakulteta je prethodno trebao biti upućen na davanje mišljenja (nalaza) Jedinici za internu reviziju Univerziteta, ali da je trenutno prihvatljivije kako procedura ne bi bila zaustavljena, tražiti mišljenje stručne službe Univerziteta, Službe za javne nabavke.

U daljem toku sjednice, prof. dr. Jasmina Gradaščević- Sijerčić, članica Upravnog odbora je predložila da se razmatranje predmetnog materijala prolongira za narednu sjednicu Upravnog odbora i da u budućem periodu materijali koji se odnose na izmjenu i dopunu Plana javnih nabavki ili uopćeno odluka koje se odnose na donošenje plana javnih nabavki obavezno sadrže mišljenje stručne službe, Službe za javne nabavke.

Ismeta Čardaković, članica Upravnog odbora je nadalje postavila upit, naznačavajući da iz razlog što još uvijek nije upoznata sa organizacijom poslova na Univerzitetu, moli za informaciju kakva je uloga Službe za javne nabavke da li je samo operativa ili ima i neki vid kontrole provođenja nabavke na organizacionim jedinicama.

U daljem toku diskusije, prof. dr. Rifat Škrijelj, rektor Univerziteta ukratko je obrazložio kakav djelokrug rada ima Služba za javne nabavke Univerziteta, a između ostalog to su: prati realizaciju nabavki, provode nabavke za potrebe Rektorata i njениh organizacionih jedinica, shodno utvrđenoj proceduri po Zakonu o javnim nabavkama odgovora na žalbe i obavlja druge poslove utvrđene internim pravilima.

Na prijedlog prof. dr. Jasminke Gradaščević-Sijerčić, članice Upravnog odbora, Upravni odbor Univerziteta u Sarajevu je odlučio da se predmetna tačka razmatra na elektronskoj sjednici koja se planira za ponedjeljak, 20. 06. 2022. godine, zbog hitnosti i potrebe za razmatranje materijala, ali uz mišljenje stručne službe, kako iz prethodne diskusije proizilazi.

Upravni odbor je jednoglasno, uz devet (9) glasova „za“, donio *s ljeđeći*

ZAKLJUČAK

Odlažu se prijedlozi organizacionih jedinica Rektorata Univerziteta u Sarajevu, Ekonomskog fakulteta i Medicinskog fakulteta broj: 02-16-2-1/22 od 09. 06. 2022. godine za izmjenu i dopunu Plana nabavki integrisanog Univerziteta u Sarajevu za 2022. godinu za narednu sjednicu Upravnog odbora Univerziteta u Sarajevu, uz obavezu dostavljanja mišljenja Službe za javne nabavke Univerziteta u Sarajevu.

Ad-3.

U okviru *tačke 3.* razmatrani su Pravilnik o unutrašnjoj organizaciji i sistematizaciji radnih mjesti i izmjene istih za sljedeće organizacione jedinice:

- Pravilnik o unutrašnjoj organizaciji i sistematizaciji radnih mesta na Univerzitetu u Sarajevu – Medicinskom fakultetu.
- Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Filozofskom fakultetu.
- Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Prirodno-matematičkom fakultetu.
- Pravilnik o izmjenama i dopunama Pravilnika o unutrašnjoj organizaciji i sistematizaciji radnih mesta na Univerzitetu u Sarajevu – Poljoprivredno-prehrambenom fakultetu.

Prije stavljanja na glasanje materijala i pratećih prijedloga akata, prof. dr. Jasminka Gradaščević-Sijerčić je predložila da se u preambuli dostavljenog Prijedloga Pravilnik o unutrašnjoj organizaciji i sistematizaciji radnih mesta na Univerzitetu u Sarajevu – Medicinskom fakultetu (u daljem tekstu: Prijedlog Pravilnika) navede datum održavanja sjednice Vijeća Fakulteta na kojoj je utvrđen dati Prijedlog Pravilnika. Zatim predlaže i to da se članom 8. Predmetnog Pravilnika, utvrdi i obaveza donošenja poslovnika/pravila kojim će se urediti pitanje obavljanja poslova iz nadležnosti katedre/podorganizacije jedinice i procedura i način utvrđivanja prijedloga za izbor šefa katedre, glasanje i dr.

- S tim u vezi, Upravni odbor je *jednoglasno*, sa devet (9) glasova „za“, donio *s ljeđeći*

ODLUKU

I

Donosi se Pravilnik o unutrašnjoj organizaciji i sistematizaciji radnih mesta na Univerzitetu u Sarajevu – Medicinskom fakultetu.

II

Pravilnik iz tačke I. čini sastavni dio ove odluke.

III

Ova odluka stupa na snagu danom donošenja.

b) Upravni odbor je *jednoglasno*, sa devet (9) glasova „za“, donio *s ljeđeću*

O D L U K U

I

Donosi se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjestra na Univerzitetu u Sarajevu – Filozofskom fakultetu.

II

Pravilnik o izmjenama i dopunama Pravilnika iz tačke I. čini sastavni dio ove Odluke

III

Ova Odluka stupa na snagu danom donošenja.

c) Upravni odbor je *jednoglasno*, sa devet (9) glasova „za“, donio *s ljeđeću*

O D L U K U

I

Donosi se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjestra na Univerzitetu u Sarajevu – Prirodno-matematičkom fakultetu.

II

Pravilnik o izmjenama i dopunama Pravilnika iz tačke I. čini sastavni dio ove Odluke.

III

Ova Odluka stupa na snagu danom donošenja.

d) Upravni odbor je jednoglasno, sa devet (9) glasova „za“, donio *s ljeđeće*

O D L U K U

I

Donosi Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjestra na Univerzitetu u Sarajevu – Poljoprivredno-prehrabrenog fakulteta.

II

Pravilnik o izmjenama i dopunama Pravilnika iz tačke I. čini sastavni dio ove Odluke

III

Ova Odluka stupa na snagu danom donošenja.

Ad-4.

U okviru tačke 4. razmatrani su zahtjevi koji se odnose na davanje saglasnosti rektoru Univerziteta u Sarajevu za pristupanje Ugovoru o grantu u okviru projekata Programa za istraživanje i razvoj EU – Horizon Europe, kako slijedi:

- a) Pripremna faza uspostave RESILIENCE istraživačke infrastrukture – *RESILIENCE Preparatory Phase*
- b) Jačanje kapaciteta za inovacije u oblasti bespilotnih zračnih sistema – *Strengthening Research and Innovation Excellence in Autonomous Aerial Systems*.
- a) Nakon uvodnih napomena datih od strane prof. dr. Mirze Dautbašića, prorektora za naučnoistraživački rad Univerziteta, Upravni odbor je bez prethodne diskusije *jednoglasno*, sa devet (9) glasova „za“, donio *s ljeđeću*

O D L U K U

I

Daje se *saglasnost* rektoru Univerziteta u Sarajevu prof. dr. Rifatu Škrijelju za pristupanje Ugovora o grantu u okviru Programa za istraživanje i razvoj EU – Horizon Europe, za projekt pod nazivom *Pripremna faza uspostave RESILIENCE istraživačke infrastrukture – RESILIENCE Preparatory Phase (PPP)*, između Evropske komisije i ovlaštenog predstavnika institucije koja je koordinator projekta Fondacija za religijske studije – FSCIRE, Republika Italija, u kojem se rektor kao ovlašteni predstavnik Univerziteta u Sarajevu javlja kao projekt partner (korisnik).

II

Sredstva koja su Budžetom projekta planirana Univerzitetu u Sarajevu će se unijeti u Budžet/Finansijski plan Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora iz tačke I ove odluke, uz obavezu da izvijesti Upravni odbor Univerziteta u Sarajevu o implementaciji istog.

IV

Za realizaciju ove Odluke zadužuje se Univerzitet u Sarajevu putem resornih službi.

V

Ova Odluka stupa na snagu danom donošenja.

- b) Upravni odbor je bez prethodne diskusije *jednoglasno*, sa devet (9) glasova „za“, donio *s ljeđeću*

O D L U K U

I

Daje se *saglasnost* rektoru Univerziteta u Sarajevu prof. dr. Rifatu Škrijelju za pristupanje Ugovora o grantu u okviru Programa za istraživanje i razvoj EU – Horizon Europe, za projekt pod nazivom *Jačanje kapaciteta za inovacije u oblasti bespilotnih zračnih sistema –*

Strengthening Research and Innovation Excellence in Autonomous Aerial Systems – AeroSTREAM, između Evropske komisije i ovlaštenog predstavnika institucije koja je koordinator projekta Sveučilište u Zagrebu – Fakultet elektrotehnike i računarstva, Republika Hrvatska, u kojem se rektor kao ovlašteni predstavnik Univerziteta u Sarajevu javlja kao projekt partner (korisnik).

II

Sredstva koja su Budžetom projekta planirana Univerzitetu u Sarajevu će se unijeti u Budžet/Finansijski plan Univerziteta u Sarajevu.

III

Ovlašćuje se rektor Univerziteta u Sarajevu i dekan Univerziteta u Sarajevu – Elektrotehničkog fakulteta za implementaciju Ugovora iz tačke I ove odluke, uz obavezu da izvijeste Upravni odbor Univerziteta u Sarajevu o implementaciji istog.

IV

Za realizaciju ove Odluke zadužuje se Univerzitet u Sarajevu i Univerzitet u Sarajevu – Elektrotehnički fakultet.

V

Ova Odluka stupa na snagu danom donošenja.

Ad-5.

U okviru *tačke 5.* dostavljeni su zahtjevi za zaštitu zbog diskriminacije, kako slijedi:

- a) prof. dr. Alme Voljevice, redovne profesorice Univerziteta u Sarajevu – Medicinskog fakulteta,
- b) prof. dr. Azre Zaimović, redovne profesorice Univerziteta u Sarajevu – Ekonomskog fakulteta,

U okviru *tačke 5. podtačke a)* razmatran je Zahtjev prof. dr. Alme Voljevice, redovne profesorice Univerziteta u Sarajevu – Medicinskog fakulteta.

U okviru predmetne tačke, dr. sci. Murat Ramadanić, predsjednik Upravnog odbora je otvorio kraću diskusiju u kojoj su učešće uzeli: prof. dr. Rifat Škrijelj, rektor Univerziteta, prof. dr. Jasmina Gradaščević-Sijerčić, članica Upravnog odbora, Alma Sarić, članica Upravnog odbora, prof. dr. Aida Hodžić, članica Upravnog odbora i Kenan Filipović, generalni sekretar Univerziteta.

Za riječ se javila prof. dr. Jasmina Gradaščević-Sijerčić i u odnosu na oba zahtjeva koji se odnose na zaštitu od diskriminacije konstatirala da se neophodno utvrditi strategiju koja će se provoditi u budućim slučajevima iste vrste. Nadalje prof. dr. Jasmina Gradaščević-Sijerčić ističe da su Upravnom odboru dostavljena dva različita zahtjeva, različitim osnova i u daljem toku diskusije se poziva na odredbu člana 223. Statuta Univerziteta u Sarajevu i član 5 i član 6. Jedinstvenog pravilnika o radu Univerziteta u Sarajevu i sugerira da je neophodno u nacrtu teksta pravilnika o radu utvrditi mehanizme zaštite od diskriminacije.

U konkretnom slučaju, u odnosu na dostavljeni Zahtjev prof. dr. Alme Voljevice, prof. dr. Jasmina Gradaščević-Sijerčić je istakla da je imenovana podnijela više zahtjeva i to: jedan je

upućen u februaru mjesecu, a drugi u maju mjesecu. Iz istog proizilazi da je primarni razlog upućivanja zahtjeva, procedura izbora šefa Katedre za anatomije čovjeka, te s tim u vezi imenovana naznačava da je podnositeljica Zahtjeva trebala podnijeti prigovor na odluku kojom se prof. dr. Aida Hasanović imenuje za šefa Katedre. U kontekstu diskriminacije, prof. dr. Jasmina Gradaščević-Sijerčić ističe da se isti može djelomično uvažiti u dijelu kojim se odnosi na proceduru, na način da se ujedno naloži Univerzitetu u Sarajevu – Medicinskom fakultetu da doneše pravila kojim će se urediti procedura izbora šefa katedre, odnosno uopćeno način rada podorganizacione jedinice – Katedre za anatomiju čovjeka.

S tim u vezi, Upravni odbor je bez prethodne diskusije *jednoglasno*, sa devet (9) glasova „za“, donio *s ljeđeću*

O D L U K U

1. Zahtjev za zaštitu od uznemiravanja na radu podnositeljice dr. Alme Voljevice, vanredne profesorice na Univerzitetu u Sarajevu – Medicinskom fakultetu *djelomično* se usvaja.
2. Utvrđuje se da je nepostojanje Poslovnika o radu Katedre za anatomiju Univerziteta u Sarajevu – Medicinskog fakulteta okolnost koja predstavlja „rizik“ u pogledu ostvarivanja prava na jednako postupanje odnosno da nepostojanje procedure u pogledu utvrđivanja prijedloga za izbor rukovodioca/teljice može dovesti do stavljanja u nepovoljniji položaj zainteresiranih kandidata/kinja.
3. Nalaže se Univerzitetu u Sarajevu – Medicinskom fakultetu da utvrdi mjere i aktivnosti u cilju poštivanja prava na jednako postupanje i zaštitu od uznemiravanja na radu donošenjem poslovnika o radu o radu katedri od strane Vijeća Univerziteta u Sarajevu – Medicinskog fakulteta.

U okviru tačke 5. podtačke b) razmatran je prof. dr. Azre Zaimović, redovne profesorice Univerziteta u Sarajevu – Ekonomskog fakulteta.

S tim u vezi, prof. dr. Jasmina Gradaščević-Sijerčić je istakla da u konkretnom predmetnu nije povrijedeno pravo na jednako postupanje nema osnova razlikovanja, ali jeste povrijedeno pravo na zaštitu ličnih podataka. Što znači da se može utvrditi da joj je povrijedeno pravo na privatnost, u kontekstu zaštite ličnih podataka (obavezni osigurati tajnost podataka), stoga je neophodno predmetni zahtjev djelomično uvažiti i naložiti Univerzitetu u Sarajevu – Ekonomskom fakultetu da se pri utvrđivanju opterećenja vodi računa o ravnomjernom opterećenju nastavnika na katedri.

Prof. dr. Rifat Škrijelj, rektor Univerziteta je istakao da će se u budućem periodu nastojati napraviti pravilnik kojim će se urediti procedura za slučaj podnošenja zahtjeva radi diskriminacije, a kako bi se izbjeglo postupanje mimo rokova.

Upravni odbor je bez prethodne diskusije *jednoglasno*, sa devet (9) glasova „za“, donio *s ljeđeću*

O D L U K U

1. Naznačene radnje i donesene odluke Vijeća Univerziteta u Sarajevu – Ekonomskog fakulteta i Katedre za finansije Univerziteta u Sarajevu – Ekonomskog fakulteta vezane za nastavno opterećenje i učešće u komercijalnim programima ne mogu se podvesti pod povredu prava na jednako postupanje, oslonom na zabranjene osnove razlikovanja.
2. Podnositeljica je bila izložena šikaniranju (uznemiravanju) radnjama vezanim za dostavljanje Zahtjeva za zaštitu zbog diskriminacije podnositeljice svim nastavnicima Univerziteta u Sarajevu – Ekonomskog fakulteta, putem elektronske pošte. Ovim postupanjem ugrožava se dostojanstvo radnika obzirom na izričitu zabranu dostavljanja ličnih podataka trećim osobama u postupcima zaštite od diskriminacije. Rizik vezan za uznemiravanje na taj način se prenosi u oblast komuniciranja, održavanja međusobnih odnosa i kvalitetu profesionalnog statusa. Postoji objektivna vjerovatnost povrede dostojanstva podnositeljice zahtjeva, budući da date radnje nose elemente rizika od uznemiravanja na radu.
3. Nalaže se Univerzitetu u Sarajevu – Ekonomskom fakultetu, kao i svim organizacionim jedinicama Univerziteta u Sarajevu, da s ciljem preventivnog djelovanja poduzme radnje u pogledu načina raspoređivanja nastavnih zaduženja odgovornih nastavnika i uvažavanja „dobre prakse“ učešća odgovornih nastavnika u obrazovanju komisija za izbor saradnika.

U odnosu na prethodnu diskusiju prof. dr. Jasminke Gradaščević-Sijerčić, Upravni odbor *jednoglasno*, sa devet (9) glasova „za“, donio *s ljeđeći*

Z A K L J U Č A K

Obzirom na značaj načela *jednakosti u mogućnostima i tretmanu* odnosno *zabrani diskriminacije*, Univerzitet u Sarajevu je dužan u cilju stvaranja uslova neophodnih za zdravu i bezbjednu radnu okolinu, da organizuje rad na način kojim se sprječava pojавa zlostavljanja na radu i u vezi sa radom (uznemiravanja/mobinga), te kojim se zaposlenim obezbjeđuju uslovi u kojima će biti i preventivno i naknadno zaštićeni od svih oblika uznemiravanja na radu.

U odnosu na prethodnu diskusiju prof. dr. Jasminke Gradaščević-Sijerčić, Upravni odbor *jednoglasno*, sa devet (9) glasova „za“, donio *s ljeđeći*

Z A K L J U Č A K

Nalaže se organizacionim jedinicama Univerziteta u Sarajevu da utvrde mjere i aktivnosti, u cilju poštivanja prava na jednako postupanje i zaštitu od uznemiravanja na radu, donošenjem poslovnika o radu podorganizacionih jedinica (katedri/odsjeka) od strane vijeća organizacionih jedinica. Ovim poslovnicima se bliže utvrđuje i procedura za izbor rukovodioca podorganizacionih jedinica (katedri/odsjeka), kao jedna od preventivnih mjer kojom se štiti pravo svih članova katedre/odsjeka na jednakost u mogućnostima i tretmanu.

Ad-6.

Upravnom odboru dostavljeni su prigovori kandidata/kinja u javnim oglasim na organizacionim jedinicama Univerzitetu u Sarajevu, kako slijedi:

- a) Podnositelj Branislav Janjetović, kandidata u Javnom oglasu na Univerzitetu u Sarajevu – Poljoprivredno-prehrambenom fakultetu na Odluku dekana o izboru kandidata za radno mjesto higijeničar/ka.
- b) Podnositeljica Zerine Čopra, kandidatkinja u Javnom oglasu na Univerzitetu u Sarajevu – Fakultetu političkih nauka na Odluku dekana o izboru kandidata za radno mjesto stručni saradnik za istraživanje – istraživač na projektima.
- c) Podnositeljica Tijana Ćetković, kandidatkinja u Javnom oglasu na Univerzitetu u Sarajevu – Institutu za genetičko inženjerstvo i biotehnologiju na Odluku dekana o izboru kandidata za radno mjesto sekretar.

S tim u vezi, Upravni odbor je razmatrao *Prigovor podnositelja Branislav Janjetovića*, kandidata u Javnom oglasu na Univerzitetu u Sarajevu – Poljoprivredno-prehrambenom fakultetu na Odluku dekana o izboru kandidata za radno mjesto higijeničar/ka i jednoglasno, sa devet (9) glasova „za“, donio *s l j e d e č u*

O D L U K U

1. Odbija se Žalba podnositelja Branislava Janjetovića na Odluku o prijemu radni odnos dekana Univerziteta u Sarajevu – Poljoprivredno - prehrambenog fakulteta, broj: 01-1-1016/2022 od 28. 04. 2022. godine, *kao neosnovana*.
2. Odluka dekana Univerziteta u Sarajevu - Poljoprivredno - prehrambenog fakulteta iz tačke 1. ove Odluke se potvrđuje.

Upravni odbor je razmatrao *Prigovor podnositeljice Zerine Čopre*, kandidatkinja u Javnom oglasu na Univerzitetu u Sarajevu – Fakultetu političkih nauka na Odluku dekana o izboru kandidata za radno mjesto stručni saradnik za istraživanje – istraživač na projektima i jednoglasno, sa devet (9) glasova „za“, donio *s l j e d e č u*

O D L U K U

4. Odbija se Prigovor podnositeljice Zerine Čopre na Odluku o prijemu u radni odnos dekana Univerziteta u Sarajevu – Fakulteta političkih fakulteta, broj: 01-3-606-1/22 od 20. 05. 2022. godine, *kao neosnovan*.
5. Odluka dekana Univerziteta u Sarajevu – Fakulteta političkih nauka iz tačke 1. ove Odluke se potvrđuje.

Upravni odbor je razmatrao *Prigovor Tijana Ćetković*, kandidatkinja u Javnom oglasu na Univerzitetu u Sarajevu – Institutu za genetičko inženjerstvo i biotehnologiju na Odluku dekana o izboru kandidata za radno mjesto sekretar i jednoglasno, sa devet (9) glasova „za“, donio *s l j e d e č u*

O D L U K U

1. Odbija se Prigovor podnositeljice Tijane Ćetković na Odluku o prijemu radni odnos direktora Univerziteta u Sarajevu – Instituta za genetičko inženjerstvo i biotehnologiju, broj: 299-2/22 od 20. 05. 2022. godine, *kao neosnovan*.
2. Odluka direktora Univerziteta u Sarajevu – Instituta za genetičko inženjerstvo i biotehnologiju, broj: 299-2/22 od 20. 05. 2022. godine iz tačke 1. ove Odluke se potvrđuje.

Ad-7.

U okviru *tačke 7.* dostavljeni su zahtjevi za zakup poslovnih prostora, kako slijedi:

- a) Zahtjev Rektorata Univerziteta u Sarajevu za davanje saglasnosti za zaključivanje ugovora o zakupu poslovnih prostora Univerziteta u Sarajevu sa odabranim ponuđačima.
- b) Zahtjev Univerziteta u Sarajevu – Prirodno matematičkog fakulteta za oslobođanje od plaćanja dijela zakupnine.
- c) Zahtjev Univerziteta u Sarajevu - Fakulteta za kriminalistiku, kriminologiju, sigurnosne studije za davanje saglasnosti za zaključivanje Aneksa ugovora o zakupu poslovnih prostora Univerziteta u Sarajevu sa odabranim ponuđačima.

S tim u vezi, Upravni odbor je razmatrajući *Zahtjev Rektorata Univerziteta u Sarajevu za davanje saglasnosti za zaključivanje ugovora o zakupu poslovnih prostora Univerziteta u Sarajevu sa odabranim ponuđačima, jednoglasno*, sa devet (9) glasova „za“, donio *s l j e d e č u*

O D L U K U

I

Daje se *saglasnost* za zaključenje Ugovora o zakupu poslovnih prostora u okviru podorganizacione jedinice Centra za interdisciplinarne studije „prof. dr. Zdravko Grebo“ Univerziteta u Sarajevu u kojem se na strani zakupodavca javlja Univerzitet u Sarajevu, a na strani zakupoprimeca Asocijacija za demokratsku inicijativu (ADI) Sarajevo.

II

Predmet zakupa je poslovni prostor površine 12 m² koji se nalazi u zgradi Centra za interdisciplinarne studije „prof. dr. Zdravko Grebo“ Univerziteta u Sarajevu, na adresi Zmaja od Bosne broj 8.

III

Mjesečna zakupnina prema Ugovoru iz tačke I ove odluke iznosi 16,66 KM (slovima: po m², ukupno 200,00 KM sa PDV-om, dok je za troškove komunalnih usluga paušalno utvrđen mjesecni iznos od 100,00 KM.

IV

Ugovor o zakupu poslovnog prostora iz tačke I ove odluke se zaključuje na period od 2 (dvije) godine.

V

Ova odluka stupa na snagu danom donošenja.

Upravni odbor je *jednoglasno*, sa devet (9) glasova „za“, donio *s l j e d e č u*

O D L U K U

I

Daje se *saglasnost* za zaključenje Ugovora o zakupu poslovnih prostora, u okviru podorganizacione jedinice Direkcije za izgradnju i održavanje Kampusu Univerziteta u Sarajevu, u kojem se na strani zakupodavca javlja Univerzitet u Sarajevu, a na strani zakupoprimeca Bosnian – Herzegovinian American Academy of Arts and Sciences (BHAAS).

II

Predmet zakupa je poslovni prostor površine $10,5 \text{ m}^2$ koji se nalazi u zgradi Direkcije za izgradnju i održavanje Kampusu Univerziteta u Sarajevu, na adresi Put života broj 8.

III

Mjesečna zakupnina prema Ugovoru iz tačke I ove odluke iznosi $16,07 \text{ KM}$ po m^2 , ukupno $163,80 \text{ KM}$ sa PDV-om, dok je za troškove komunalnih usluga paušalno utvrđen mjesecni iznos od $50,00 \text{ KM}$.

IV

Ugovor o zakupu poslovnog prostora iz tačke I ove odluke se zaključuje na period od 2 (dvije) godine.

V

Ova odluka stupa na snagu danom donošenja.

Nadalje, Upravni odbor je razmatrajući *Zahtjev Univerziteta u Sarajevu – Prirodno-matematičkog fakulteta za oslobađanje od plaćanja dijela zakupnine uz konstataciju prof. dr. Jasminke Gradaščević-Sijerčić da nakon ukidanja mjera ne postoji pravni osnov za uvažavanje predmetne Molbe zakupoprimeca Bosančica food d.o.o., jednoglasno, sa devet (9) glasova „za“, donio *s l j e d e č i**

Z A K L J U Č A K

1. Ne postoji osnov za oslobađanje od plaćanja zakupnine odnosno ne uvažava se Zahtjev zakupoprimeca Bosančica food d.o.o. za oslobađanje od plaćanja dijela zakupnine, po osnovu zaključenog Ugovora o zakupu poslovnog prostora sa zakupodavcem Univerzitetom u Sarajevu – Prirodno-matematičkim fakultetom.
2. Mjere koje su bile na snazi za vrijeme trajanja vanrednih okolnosti radi opasnosti od širenja zarazne bolesti uzrokovane koronavirusom (COVID-19) na području Kantona Sarajevo su prestale da važe, te je u skladu sa istim promijenjen i način rada organizacionih jedinica.

Zahtjev Univerziteta u Sarajevu - Fakulteta za kriminalistiku, kriminologiju, sigurnosne studije za davanje saglasnosti za zaključivanje Aneksa ugovora o zakupu poslovnih prostora

Univerziteta u Sarajevu sa odabranim ponuđačima je razmatran do strane Upravnog odbora. Predmetni zahtjev je jednoglasno, sa devet (9) glasova „za“, donio s ljeđeću

O D L U K U

I

Daje se *saglasnost* za zaključenje Anexa Ugovora o zakupu poslovnih prostora u okviru podorganizacione jedinice Univerziteta u Sarajevu – Fakulteta za kriminalistiku, kriminologiju i sigurnosne studije u kojem se na strani zakupodavca javlja Univerzitet u Sarajevu – Fakultet za kriminalistiku, kriminologiju i sigurnosne studije, a na strani zakupoprimeca „HIK – NET“ d.o.o.

II

Predmet zakupa je poslovni prostor površine 20 m² koji se nalazi u zgradi (prizmelje) Univerziteta u Sarajevu – Fakulteta za kriminalistiku, kriminologiju i sigurnosne studije, na adresi Zmaja od Bosne broj 8.

III

Mjesečna zakupnina prema osnovnom Ugovoru iznosi 30,00 KM (slovima: trideset KM po m², ukupno 600,00 KM bez PDV-a.

IV

Anex ugovora o zakupu poslovnog prostora iz tačke I ove odluke se zaključuje na period od 27. 06. 2022. godine i traje do okončanja procedure.

V

Ova odluka stupa na snagu danom donošenja.

Ad-8.

U okviru *tačke 8.* razmatran je Prijedlog za utvrđivanje izmjene cijene/visine školarine interdisciplinarnog master studija „Međunarodna i regionalna sigurnost“, koji realizira Centar za interdisciplinarne studije Univerziteta u Sarajevu „prof. dr. Zdravko Grebo“ Univerziteta u Sarajevu. Bez prethodne diskusije, Upravni odbor je sa devet (9) glasova „za“, donio s ljeđeću

O D L U K U

I

Utvrđuje se izmjena cijene/visine školarine jednogodišnjeg interdisciplinarnog master studija „Međunarodna i regionalna sigurnost“, u iznosu od 3.000,00 KM, koji realizira Centar za interdisciplinarne studije Univerziteta u Sarajevu „prof. dr. Zdravko Grebo“.

II

Ova Odluka stupa na snagu danom donošenja, a primjenjuje se od studijske 2022/2023. godine.

III

Univerzitet u Sarajevu je obavezan o cijeni utvrđenoj ovom Odlukom, obavijestiti Ministarstvo za nauku, visoko obrazovanje i mlade Kantona Sarajevo.

Ad-9.

Informacije:

- a) Obavijest o dopuni Dinamičkog plana organizacionih jedinica i to: Univerziteta u Sarajevu – Ekonomskog fakulteta, Univerziteta u Sarajevu – Prirodno-matematičkog fakulteta i Univerziteta u Sarajevu – Pravnog fakulteta i Univerziteta u Sarajevu – Medicinskog fakulteta – primljene k znanju predmetne izjave.
- b) Kvartalni izvještaj o realizaciji NATO SPS projekta Quantum5 – primljen k znanju predmetni Izvještaj.
- c) Informacija prof. dr. Arzije Pašalić, dekanese Univerziteta u Sarajevu – Fakulteta zdravstvenih studija o pokrenutoj inicijativi za suspenziju spornih propisa – primljena k znanju informacija.

Audiozapis sa 5. redovne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 16:30 sati.

Zapisničar:
Belma Hajradinović, MA prava

